

PANEGYRICON. INAVGVRALE

*Honoratissimi & Amplissimi Domini
Prætoris Regii, sive Majoris*

**Nobilissimæ & Florentissimæ Urbis
Londinensis,**

A forma Reipublicæ breviter conscriptum.



Dedicatorium.

Aurea luce redit solennis Pompa diei;
Illa Magistratûs Sparta decûsque pii;
Ne spernas humiles, Prætor Venerande, Camænas,
Dum vovet auspiciis prospera quîsque tuis.
Una dies cunctis tot gaudia corde ministrat;;
Totius est anni sed labor ille gravis.

CANTABRIGIÆ,

Ex Officina ROGERII DANIELII.

1638.

22855. e 26

Amplissimo & Prudentissimo Domino Prætori,
Senatui, Populoque Londinensi.

Inter celebres Respublicas, quæ hæcenus apud sapientiores Gentes, tam sacras quàm profanas, bono ordine & laudabili disciplinâ excelluerunt, florentissima Vestra Londinensis jure principem locum meretur. Forma enim illius administranda in tam populosa Urbe, (censoribus vel ipso Platone & Bodino,) omnibus numeris absoluta, elegantem cælestis machinæ harmoniam & concinnam humani corporis fabricam ad vivum ferè representat. In ea equidem, (ut nihil referam de emporio totius Orbis terrarum celeberrimo,) omnia & singula, summa mediis, media imis, invicem aptè disposita, probè ordinata, & subalternè mutuo officiorum nexu quasi concatenata sunt, ut facilè vel uno intuitu quæque in sui admirationem & desiderium trahant. Unde metropolis Vestra non immeritò Britanniarum Epitome & Microcosmus multis appellatur. Ad hæc insuper sincera salutaris verbi Dei prædicatio, decensque in Magistratum observantia, Urbem Vestram Christi Throno acceptiorem & cæteris Nationibus illustriorem reddit, ut non sine causa in tanta copia rerum cum Regio Psalte Vobis accinere ausim: Beatus populus, cui hæc sunt. Non ingratus itaque Civitatis Vestrae hospes, quantum per aliquot annos experientiâ assequi licuit, à Formæ regiminis Rempublicæ, rudi (ut aiunt) Minervâ, adumbratam, & veluti in tabella depictam, pro beneficiis, debiti red- hostimenti loco, Vobis offero, ut in posterum constaret peregrinis Academias lu- strantibus, & potissimum ad Panegyrim Vestram majori numero confluentibus, quas obscuras & labores Capiti Magistratûs, in ipso ingressu, à reliquis illius membris tantus honor instituitur. Sin minus aliquid ex voto præstiterim, suffi- ciat mihi primo raram glaciem in refuò Tamesi frangere, aut saltem Academicis Vestris, Urbe hæc oriundis, ad meliores Patriæ conatus in Poëtico studio facem præferre.

DEVS ter Opt. Max. Britannici Imperii & hujus Reipublicæ Stator, Sere- nissimum Regem CAROLUM cum Regina & Prole Regiâ, Vniuersos Regni Procures, Clerum, & Vos omnes, tot diuersa Regalis Urbis fulcra, in aurea pace & integritate cordis, saluos & florentes diu conseruet. Calendis Ianuarii, Anno Dom. 1638.

Reipublicæ Vestræ
Observantissimus cliens

JOH. SICTOR, Bohemus.





De celeberrima & florentissima
TRINOBIANTADOS AUGUSTÆ
Civitate,
PRÆTORI REGIO,
Senatui, Populôque.

S Alve Sancta Parens Regum, Trinobantias alma,
Clara, antiqua, nitens, dives, amœna, potens!
URBS decus Europæ, Mundi melioris Imago,
Quid valeat Merx, Ars, Vis, Mare, Terra, doces!
Quicquid habet Luxus, quicquid desiderat Usus,
Proveniunt velis Dona beata tuis.
Sedile deliciis Ebur India mittit, & Aurum,
India ditando lassâ ministra Tago!
Brasilia Argentum, Babylon Aulea, Sabæus
Thura, Palæstinus Balsama, Thraces Equos,
Cinnama Persis, Arabs Zibethum, Corsica Gemmas,
Ida Metalla, Satum Gargara, Creta Merum,
Ægyptus Calamos, Ostrum Tyros, Æra Corinthos,
Vellera Ser, Attis dulce Mel, Arma Chalybs:
Marmora dat Maculosa Chios, Liventia Lesbos,
Alba Paros, Nigra Lybs, Versicolora Thafos,

*Pisurata Paphos, Guttatâque Thebaïs Auro,
 Angue sit Ophites, Ungue notatus Onyx.
 Quicquid habet rari Memphis, Preciue Marocco,
 Metropolis BRITONUM vendicat omne suum:
 Quas Tagus, Hermus opes, quas fert Pactolus, ab undis
 Plenius & plures cernimus ire tuis:
 Te Tamesis, tua dum spectat Regalia Tecta,
 Sæpè retardatis dulcè salutat aquis,
 Bisque die refluo blanditur amœnior æstu,
 Fértque refértque tuas, TROIA Novella, Rates,
 Hic emitur nummis ingens, hîc venditur, Orbis;
 Tot proprias Dotes, quot loca Mundus, habes.
 Mole novâ exultas, BEDFORDI Mole superbis,
 Moles finitimis invidiosa locis.
 Templâ DEI spatiosa novas, celebrabitur Orbe
 Majestas Operis Turre stupenda gravi.
 Templum Ephesi Circis, ite Amphitheatra Colossis,
 Mausolæa Tholis, Pyramidésque Pharis.
 Nobilis Urbs Venetûm, vitreo circumflua Ponto,
 Divite munitas Gurgite laudet opes;
 Splendida solertes ditet Florentia Crives,
 Româque, Mitrata Scena Cohortis, ovet;
 Se * Mediolanum jactet; Verona virescat; * En odi malum.
 Vinum[†] Lovanium; vina * Vienna sonet; † Vinum alo.
 Sis, Augusta, Ducum, Regum locus, imò Deorum, * En vina.
 Cæsaris AUGUSTI Robore celsa tui;*

Quæ Caput in mediis Urbs fertilis erigit uvis
Bacchara se à Baccho Nomen habere ferat ;
Sit Jove Creta Potens, Celebrata ab Apolline Delphos,
Mars Rhodopen ornet, Delia Delon amet :
Nostra sed omniferum subrides Munere Divum
URBS ; Tibi sit spatium Laudis, ut Orbis, idem.
Qui numerosa videt, nemorosa Suburbia dicet,
Orbis, an Urbs extes ? Urbs typus Orbis ades !
Mercibus omnigenis, & Bellis apta gerendis,
Filia Mercurii, Pallade digna Soror ;
Quæque Puella Charis, Mars Civis, Jupiter ipse
REX TUUS, & JUNO REGIA NUPTA, nitet.
Mulciber Artificum fornaces, Disque Metalla,
Herbida Prata Dryas ; Cærulea Nais Aquas ;
Spicea Serta Ceres, Cultasque Minerva dat Artes,
Phœbus alit Vates, fura dat æqua Themis.
Annulus est Orbis, vastique sit Annulus Orbis
Anglia, sis Anglis splendida GEMMA Tuis :
Florida Pace, Vetus Sede, Ebria Mercibus, Undans
Quæstibus, Exultans PRINCIPE, Classe Valens,
Clara Viris, Spatiosa Viis, Speciosa Platæis,
Cive Superba, Scholis Culta, Diserta Sophis,
Stannea Aquis, Ærata Focis, Argentea Mensis,
Aurea Divitiis, Gemmea Deliciis,
Regia Concilio, Oceani Regina, Senatus
Imperii, Celebris Fascibus, Arce Tumens,

*Fons Legum, Portus Peregrinũm, V A T I S Asylum,
Æde Beata, Fide Pura, Decora Lare,
Urbium Apex, REGUM Nutrix, Procerũmq; Creatrix,
Juris Amor, Medicũm Splendor, Equestris Honor,
Dives Opum, Europæ Emporiũ, Microcosmos honorũ,
Lata Situ, Factis Inclyta, Marte Potens,
Naturæ Exemplar, Famæ Stupor, Arbitra Mundi,
Apta Salo, Cœlo Grata, Benigna Solo.*

*Tam mihi NYMPHA places ac ipsa Placentia; verũm
Ipse Placentinus ne videar, Taceo!*

EDVARDUS BENLOWES Armiger,
Turmæ Equestris in Comitatu
Essexiæ præfectus.



PANEGYRICON

Londino-Britannicum.

PLaude Britannorū celebris Respublica Regni,
Regalis Camerae Sedes ditissima portu,
Deliciae Regis, Procerum, Populique Potentis,
Quem Natura parens tripatenti dividit Orbe,
Oceani refluxis tutatur & insula lymphis.

Vertitur assiduò revolubilis annulus anni,
Tempore quo redeunt solennia festa diei,
Luce sacra Genti, veteri de more recepta.

Scilicet Octobris bis deno & Sole noveno,
(Si modò non casus consuetis moribus obsit,
Aut Domini memoranda dies tot plausibus obftet,)

Quàm primùm roseis surgens aurora quadrigis
Albionis magnam radiisq̃ illuminat Urbem,
Phœbus & oppositas illustrat lampade terras,
Undique campanæ resonant in turribus altis,
Cum lituisq̃ tubæ passim clangore resultant.

Spectatum plebs tota ruit, replètque plateas
Agminibus, numerosa viris, nemorosa puellis.
Non minus exultat Tamesis spumantibus undis,
Impatiens tot ferre rates cymbasque volantes,
Evocat ad Socias spectandum quenque cohortes.

Quippe triumphali vexillis more solutis

Itur

Itur in occiduam, jus in qua dicitur, aulam,
Ut juramentum præstetur corde fideli.

Interea dum Consul abest, totusque Senatus,
Tot Sociæque Tribus, Capiti ceu membra ministræ,
Aut etiam in reditu convivia læta celebrant,
Ne quid turbarum populosa oriatur in Urbe,
Pegmata gestantur variis cælata figuris,
Gratæque demulcent hominum spectacula mentes,
Quæis tum spectandis pascuntur lumina vulgi.

Fortè peregrinus qui sis hâc Urbe requiris,
Quid sibi pompa velit tam magni conscia plausûs ?

Annua Prætoris renovatur Sparta Supremi,
Cui decus Europæ, præsentis gloria seculi,
Ille Britannorum Magnus Rex atque Monarcha,
CAROLUS, Augustam committit Legibus Urbem,
Mercibus innumeris, opibus, populoque refertam.

Hinc præfertur ei cum sceptro Regius ensis,
Ut benè justitiam cuivis ex jure ministret,
Fascibus & dignos vigilans tueatur honores.
Ardua res agitur magnâ ratione regenda !
Unius est tantum solennis pompa diei ;
Sed variis curis vix sufficit integer annus.

Prætor in Urbe gravis sceptro gladioque verendus
Emicat auspiciis ad tanti culmen honoris :
Sic splendore capit concessam Cynthia lucem.

Alpha Senatorum viginti quinque suorum

Omnia

Omnia dispenſat prudenti mente gerenda,
Crimina condemnat Comitum præſente coronâ,
(Ni modò ſit major ſclerato in crimine pœna,) Vice-Comi-
tes 2.
Quæ dirimit prudens Vir Syndicus, arbiter æqui,
Juſtitia Præſes, cultor Themidòſque ſacratæ.

Bis tredecim ſiquidem regiones Urbis habentur,
In quâvis harum, prouti bonus ordo requirit,
Quiſque Senatorum dextram gerit uſque fidelem, Syndicus Ju-
ris-Confultus,
Urbis Confilia-
rius, & Judex
in criminali-
bus.
Cum digitis totidem quot quæque Eccleſia præbet,
Quarum ſunt centum viginti trèſque, frequentes
Ædibus, & templis nitidæ, populòque repletæ.
Sic capitur candens oblongâ forcipe ferrum :
Sic vitia & cædes ſubitò tolluntur ad unguem.

Non ſecùs ac Titan duodena perambulat aſtra Deputati Sena-
torum.
Conſtabularii.
Continuis vicibus; totidem ſunt Urbe cohortes,
Et pelago & terris celebres, notæque phalanges,
Ornamenta, Tribus Patriæ, Gentèſque Togatæ.

Cuilibet eſt Tribui præſtans gravitate Magiſter, Primaria So-
cietates 12. cum
quibus ſolis
ſunt annuè
Prætores.
Collegæq; pares Sociali ex agmine lecti,
Conſortèſque alii ſociis aſſiſtere curis :
Cuiſtodes aliâs Aſſiſtentèſque vocantur. Magiſter.
Guardiani.
Aſſiſtentæ.
Hos ſi quis videat, poterit ſpectare Senatum
Ordine, conſilio, diſciplinâque probatum,
Unde Magiſtratus ſerie decernitur omnis.

Non refero reliquas, quæ ſunt in corpore, gemmas,
Nobile cor Regni Proceres, Civèſque fideles

Obsequio Regis, quæis Nobilitatis honores
Contulit ipse favor, Magnorum & gratia Regum,
Qui sua dant Sociis percrebrò Nomina turbis,
Non secus ac ipsi radiant has Lumine Reges.
Tantus amor Populi, dilectæ & gloria Gentis!

Cuique Suum decus est, & quò quis cultior arte,
Et virtute suâ, Civis præstantior audit,
Et cum divitiis magno cumulatur honore.

Sunt quoq; præterea Tribuum tot in Urbe cohortes,
Quas Socialis amor Fraternali Fœdere jungit.

*Secundarie
Societates 10.
pro transma-
rinis negotiati-
onibus.*

Harum namq; decem sunt fulcra secunda priorum,
Quæis patet Oceano terrarum pervius Orbis:
Pars Boream versus Gedanum, Russosque frequentat,
Dives & Hamburgum, Belgas & Marte potentes:
Pars alia Europæ dices Asiæque per oras
Commutat merces Italique, Gallis, & Iberis,
Germanis, Turcis, cum Perside promovet Afros:
Pars reliqua ulterius geminos excurrit ad Indos,
Educitque novos in tot nova regna colonos.

*Inferiora con-
dit quæ So-
cietates 50.
Mercatorum
& Opificum.*

Quinquaginta alia sunt deinde Tribusque togatæ,
Tot Mercatorum variæ Collegia sortis,
Artificumque duces numerosa ex plebe catervæ
Ceu latus extremum claudentes civibus agmen,
De locuplete penu quæis fundit copia cornu.
Sive petas merces, textosque ex vellere pannos,
Sericeas vestes, Tyrioque colore micantes,

Aut

Aut alio quocunque velis, gemmâsque nitentes,
Aut ebur, aut lapides, vel quodvis nobile lignum,
Vasâque de vario pulchrè confecta metallo,
Talibus Urbs intra passim decoratur & extra,
Artificum curâ, & studio, vigilique labore;
Seu quôque nota domi poscas sacra dona culinæ
Quadrupedum, volucrumque dapes, & farris opimi,
Et varios fructus, lautæ & bellaria mensæ,
Vel tot aromaticas, olei vinique tabernas,
Aut herbas hominum vires reparare valentes,
Innumeris ratibus, plaustris, terrâque, marique,
Materias rerum totus tibi suggerit Orbis,
Quêis Urbem ditat decuplo cum fœnore linum.

Fors etiam quæres, cur gestet quisq; cucullum,
Assutumque togæ à læva tergôque revinctum?
Totius Emporium celebre est Trinobantias Orbis.
Omnes namque ferè, quot habet Respublica Cives,
Sunt Mercatores Sociali fœdere juncti,
Cum quibus exercent variæ commercia Gentes.
Mercibus augendis est sola pecunia nervus,
Contractusque decer & permutatio justa.
Dirigit ergo prius cuius prudentia mentem,
Quomodo quæq; suo merx sit tractanda valore,
Pondere, mensurâ, numero, bonitate probatâ.
Ponè dehinc nummos in promptu dextra ministrat:
Nec facile est falli, quia sunt satis arte periti,

Pythagoræ & mensam digitis versare scientes.

Omnibus his extant trabeatis arcubus aulae,
Hic ubi conveniunt, peragunt & commoda rerum,
Et positis curis quandoque epulantur amicé.

Has omnes geniti peravito Sanguine Reges
Juribus ornârunt & Libertatibus ipsis,
Non minùs in clypeo certis insignibus, armis.

Si verò gravibus premitur Respublica curis,
Cogitur ex variis selectum Civibus agmen,
Consilium commune vocant ex Urbe coactum:
Sic bene cum nervis coeunt in corpore membra.

Omnibus his superest Prætor Regalis asylum,
Et tutela decens Patriæ sub Rege Potenti,
Quilibet ut proprias habitet tutissimus ædes,
Cuique suum tribuens sine noxa & vivat honesté.

Quod si fortè furat plebs seditione coortâ,
Protinus ille potest præsens sedare tumultus,
Armatâque manu tantos componere motus:
Civibus ex lectis alacris cui militat ordo,
Millia sex quorum sunt ferre sat arma parati.

Et quid in Oceano possit conferre Tributi
Cum Sociis Tribubus, reliquis & Civibus Urbis,
Ad placitum Magni jussûmq; hoc tempore Regis,
Hoc experta probat perabundè Regia classis,
Pro defendendo constanter in æquore Regno:
Dimidium Regni potis Urbs æquare Britanni.

Ne taceam reliquos Prætoris in Urbe Togatos,
 Officiis certis Domino servire paratos,
 Præfectum Camerae magnâ gravitate verendum,
 Juridicum insignem, Patriæ Legisque peritum,
 Et qui consignat Tabulis decreta Senatûs,
 Et qui sollicitè censûs Archiva recondit,
 Et qui scrutinio cædes dignoscit iniquas,
 Et qui præficitur Tamesino in flumine Ponti,
 Quique notant scriptis causas in jure clientum,
 Expediuntque graves civili in turbine lites,
 Sub quibus est ingens scribarum turba minorum
 Tot manibus calamos agitare sacrâmq; papyrus.

Non secûs atque domûs omnes illius alumnos,
 Serviitiis promptos plusquàm triginta ministros,
 Armigeros quatuor fidei candore probatos.
 Ensiser ipse præit Prætori & dirigit aulam :
 Hospitibus gratus venatu est alter Achates :
 Sceptrigger ad populum proclamat jussû Senatûs :
 In Tamesi quartus vigilans est Præses aquarum.

Hos alii comites recta statione sequuntur,
 Obsequiis alacres mensæ inservire frequenti,
 Convivis præbere dapes, haustusque decentes,
 Quêis fit plena domus toto Prætoris in anno,
 Sparta Duûmq; Virûm, Sociûm, comitûmq; suorum,
 Quorum Judicibus constat quoque Curia binis,
 Causidicisque aliis, sex & triginta ministris.

*Officiarii
D. Prætoris.*

Camæarius.

Procurator.

Secretarius.

Sollicitator.

Coronator.

Præf Pontis.

Notarii 4.

*Causidici varii
& scribæ.*

Ensiser.

*Magister ve-
nationum.*

Facialis.

*Inspector Ta-
mesis.*

*Vicomitum
Judices 2.*

*Advocati &
officiarii.*

Non

refertur se.
officia Mercatorum.
Non minùs in gremio recubat Rectoris Apollo,
Greshami Sacris addictus in Urbe Deabus,
Omnigenisq; patens tot Mercatoribus aula,
Civibus ingenuis decus, & commune theatrum,
Hic ubi firmantur contractus ordine iusto.

Non refero, quò se ruri diplomate Regum
Longiùs extendat Prætoria jure potestas,
Quâ Conservator Tamesis Pater ille vocatur :
Id probet Urbanæ vicinus terminus oræ.
Sit satis Augustam describere cortice Nympham:
Et parit egregios Generosa Britannia vates.

collegium
sonus.
Interea proprio benedicat IOVA Sioni,
Qui pietate sonat Christi inter mœnia laudes,
Gaudeat ut solitis florens Urbs sæpè triumphis.

Dum capitergo graves Prætor Torquatus habenas,
Cum gladio & sceptrum Regali laude decorum,
Atque Magistratum curarum mole repletum,
Quisque die festâ defert huic gratus honorem,
Præstat & officium venientem lætus in annum.

In reditu quâvis Tribuum præeunte catervâ,
Inter tot lituos, spectacula, juba, plausus,
Primus equo vehitur candente Vicarius ille
Spectanti populo spectandus purpurâ & ostro ;
Ordo Senatorum sequitur quem passibus æquis,
Purpureisq; togis, totidem binisque caballis
Hospitibus reducem Patriam deducit in aulam.

Curia

Curia magna patet, sublimibus alta columnis,
Tegmine fidereos imitans laquearibus arcus,
Consilio ampla Domus, Tribubus columénq; togatis:
Híc quia tractantur permagna negotia rerum,
Dicitur à variis quàm maxima Curia curis.
Híc quoque festa dies præbet convivium lauta,
Hospitibusque dapes solenni more paratas.
Implentur lapidæ carnis, pinguisque farinæ,
Delibant pateras, cyathis & vina coronant.
Vix aliquis credat, si non conspexerit ipse:
Quandoquidem pariter peregrinis mensa superfit,
Fermè onerata cibus, verum moderata Falerno.
Mente Deo gratus, devotus & Urbis honori,
Regales epulas dic, quisquis es ore rotundo,
Quas non suppeditat vulgò commune macellum.

Hospitibus tandem, dapibus, mensisque remotis,
Mox sacra Consul adit Paulini limina Templi,
Cum reliquis Patriæ Tribubus, Sociisque laborum.
Híc ubi supplicibus placârit Numina votis,
Auxiliûmque Dei cœlestis dogmate verbi
Senferit, ad proprias facibus deducitur ædes,
Concursu Populi, Sociorum astantibus alis.

Solvuntur placidis abstrusa emblemata gryphis,
Pegmata quæ lepidis dederant lustranda cothurnis.

Post varios plausus, spectacula, gaudia, risus,
Quisque lares repetit, noctisque sopore gravatus

Lumi-

Luminibus gratam captat per membra quietem.
Sed Patriæ Patri moles onerosa laborum
Incumbit de mane novo, totumque per annum,
Quos vigili curâ, velut Urbis ahenea Turris,
Herculeis humeris sustentat Regius Atlas.

AD LONDINUM,
Britanniarum epitomen & ocellum.

Nympha Britannorum Regali Sede decora,
Totius & Regni Nobilitatis apex :
Quicquid habet sparsim pelago circumstans Orbis,
Tu retines Patrio, Cynthia grata, sinu.
Te tuus irradiat Sol, & tot Sidera Gentis,
Clerus & ad caelos fert Pietate facem,
Iustitia summum patet in te cuique tribunal,
Iuridicumque ampla, nota Theatra, Domus.
Ordo Magistratum stabilit ceu cardine postes,
Dum capiti praeant singula membra decus.
Imperium cunctas profert Mercator adoras,
Mercisquæque refert pontus & aura rates.
Viribus alma tuos sociat Concordia Cives,
Educat & fortes Pallas ad arma Viros.
Sic vigeas felix Magno sub Rege Britannis,
Floreas ut tantis insula tota bonis.

FINIS.

